



Број: 01/3-50-3-2191-2/23
Сарајево, 22. 2. 2023.

**ORIJENTACIONI RADNI PLAN
KOMISIJE ZA VANJSKU TRGOVINU I CARINE
PREDSTAVNIČKOG DOMA PARLAMENTARNE SKUPŠTINE BiH
ZA 2023. GODINU**

Sarajevo, februar 2023. godine

Na osnovu člana 46, a u vezi s članom 65. stav (2) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15, 97/15, 78/19 i 26/20), Komisija za vanjsku trgovinu i carine Predstavničkog doma Parlamentarne skupštine Bosne i Hercegovine na 2. sjednici, održanoj 22. 2. 2023, u s v o j i l a j e

ORIJENTACIONI RADNI PLAN KOMISIJE ZA VANJSKU TRGOVINU I CARINE PREDSTAVNIČKOG DOMA PSBiH ZA 2023. GODINU

Uvod

Komisija za vanjsku trgovinu i carine Predstavničkog doma Parlamentarne skupštine BiH (u daljnjem tekstu: Komisija) pratit će i razmatrati određena pitanja iz svoje nadležnosti tako što će se odrediti o svakom konkretnom pitanju vodeći računa o rokovima i kontinuitetu sjednica, kao i saradnji koju predlože nadležni organi Bosne i Hercegovine ili međunarodne organizacije.

Na osnovu člana 46. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 26/20), (u daljnjem tekstu: Poslovnik Predstavničkog doma), Komisija će u okviru svoje nadležnosti razmatrati pitanja koja se odnose na:

- vanjskotrgovinsku politiku,
- sporazume o međunarodnoj trgovini,
- carinsku politiku,
- tarife, propise i zakone iz svoje oblasti,
- međunarodne obaveze Bosne i Hercegovine,
- odnose s međunarodnim trgovinskim institucijama i
- druga pitanja iz oblasti vanjske trgovine i carina.

Cilj Komisije je da se planirana ili predložena pitanja razmatraju na vrijeme i da aktivnosti budu usklađene sa zahtjevima Kolegija Predstavničkog doma PSBiH.

Predviđena aktivnost Komisije za 2023. godinu prevashodno se zasniva na planu aktivnosti Vijeća ministara BiH, te na specifičnim aktivnostima koje proističu iz njene nadležnosti utvrđene Poslovníkom Predstavničkog doma.

Materijale koje Vijeće ministara BiH i ostali ovlaštteni predlagači upute u parlamentarnu proceduru Komisija će blagovremeno razmatrati u skladu s rokovima predviđenim Poslovníkom Predstavničkog doma, a Plan rada Komisije bit će fleksibilan i prilagođavan aktuelnim temama.

Za uspješnu realizaciju Orijentacionog radnog plana potrebna je tehnička podrška Sekretarijata Parlamentarne skupštine BiH, kao i saradnja s institucijama u čijem djelokrugu su pitanja iz nadležnosti Komisije.

ORIJENTACIONI RADNI PLAN PO KVARTALIMA

JANUAR – MART

a) Zakonodavna aktivnost

- Prijedlozi zakona iz nadležnosti Komisije dostavljeni u parlamentarnu proceduru od ovlaštenih predlagača u skladu s nadležnostima Komisije, a prema Programu Vijeća ministara BiH;
- Ostali prijedlozi zakona dostavljeni u parlamentarnu proceduru od ovlaštenih predlagača.

b) Ostale aktivnosti

- Izvještaj o radu Vijeća ministara BiH za 2021. i 2022. godinu u dijelu nadležnosti Komisije za sljedeće institucije:
 - a) Ministarstvo vanjske trgovine i ekonomskih odnosa BiH,
 - b) Ured za veterinarstvo BiH,
 - c) Uprava BiH za zaštitu zdravlja bilja,
 - d) Ured za harmonizaciju i koordinaciju sistema plaćanja u poljoprivredi, ishrani i ruralnom razvoju BiH;
- Izvještaj o radu Upravnog odbora Izvozno-kreditne agencije BiH za 2021. godinu;
- Izvještaj iz oblasti poljoprivrede za Bosnu i Hercegovinu za 2020. i 2021. godinu;
- Izvještaj o radu Komisije za 2022. godinu;
- Orijentacioni radni plan Komisije za 2023. godinu;
- Iniciranje bilateralnih susreta sa srodnim komisijama parlamenata zemalja s kojima imamo trgovinsku razmjenu, a prvenstveno sa susjednim zemljama;
- Razmatranje drugih materijala koji su, prema Poslovniku, u nadležnosti Komisije.

APRIL – JUNI

a) Zakonodavna aktivnost

- Prijedlozi zakona u skladu s nadležnostima Komisije, a prema Programu Vijeća ministara BiH;
- Ostali prijedlozi zakona dostavljeni u parlamentarnu proceduru od ovlaštenih predlagača.

b) Ostale aktivnosti

- Izvještaj iz oblasti poljoprivrede za Bosnu i Hercegovinu za 2021. i 2022. godinu;
- Izvještaj o radu Državne regulatorne komisije za električnu energiju u 2021. godini;

- Iniciranje bilateralnih susreta sa srodnim komisijama/odborima parlamenata zemalja Hrvatske i Crne Gore s kojima imamo trgovinsku razmjenu;
- Razmatranje drugih materijala koji su, prema Poslovniku, u nadležnosti Komisije;
- Radna posjeta članova Komisije institucijama u BiH čiji je rad u nadležnosti Komisije.

JULI – SEPTEMBAR

a) Zakonodavna aktivnost

- Prijedlozi zakona u skladu s nadležnostima Komisije, a prema Programu Vijeća ministara BiH;
- Ostali prijedlozi zakona dostavljeni u parlamentarnu proceduru od ovlaštenih predlagača.

b) Ostale aktivnosti

- Iniciranje bilateralnih susreta sa srodnim komisijama/odborima Parlamenta Sjeverne Makedonije koji imaju nadležnosti srodne Komisiji za vanjsku trgovinu i carine;
- Razmatranje drugih materijala koji su, prema Poslovniku, u nadležnosti Komisije;
- Radna posjeta članova Komisije institucijama u BiH čiji je rad u nadležnosti Komisije.

OKTOBAR - DECEMBAR

a) Zakonodavna aktivnost

- Prijedlozi zakona u skladu s nadležnostima Komisije, a prema Programu Vijeća ministara BiH;
- Ostali prijedlozi zakona dostavljeni u parlamentarnu proceduru od ovlaštenih predlagača.

b) Ostale aktivnosti

- Iniciranje bilateralnih susreta sa srodnim komisijama/odborima Narodne skupštine Srbije ili komisijama / odborima parlamenta u regionu;
- Razmatranje drugih materijala koji su, prema Poslovniku, u nadležnosti Komisije;
- Radna posjeta članova Komisije institucijama u BiH čiji je rad u nadležnosti Komisije.

Komisija će razmatrati prijedloge zakona ako budu dostavljeni u parlamentarnu proceduru kao i ostale akte – informacije i izvještaje iz nadležnosti Komisije.

c) Organiziranje radnih sastanaka s velikim vanjskotrgovinskim organizacijama iz BiH

Na osnovu odredbi člana 38. Poslovnika Predstavničkog doma PSBiH, organizirati radne posjete članova Komisije i održavati radne sastanke s bh. organizacijama s velikim vanjskotrgovinskim prometom radi upoznavanja članova Komisije s načinom rada i problemima iz oblasti vanjske trgovine i carina.

Ostale aktivnosti

Prema ukazanoj potrebi, Komisija će organizirati radne sastanke s predstavnicima: Ministarstva vanjske trgovine i ekonomskih odnosa BiH, UIOBiH, Ureda za veterinarstvo BiH, Uprave BiH za zaštitu zdravlja bilja, Ureda za harmonizaciju i koordinaciju sistema plaćanja u poljoprivredi, ishrani i ruralnom razvoju BiH, Agencije za sigurnost hrane BiH, Vanjskotrgovinske komore BiH, Vijeća za zaštitu potrošača BiH, nadležnih entitetskih ministarstava, Vlade Brčko Distrikta BiH, Privredne komore Federacije BiH, Privredne komore Republike Srpske, nevladinih organizacija i udruženja proizvođača i svih drugih institucija čiji je rad u nadležnosti Komisije, s ciljem smanjenja carinskih barijera prilikom izvoza bh. proizvoda, povećanja izvoza, odnosno smanjenja vanjskotrgovinskog deficita.

Članovi Komisije učestvovat će na konferencijama i seminarima koji se odnose na oblasti koje su u nadležnosti Komisije.

Na sjednicama Komisije bit će blagovremeno razmatrani i novi materijali koji pristignu, a prije svega prijedlozi zakona iz nadležnosti Komisije i inicijative ovlaštenih predlagača.

Z A K L J U Ć A K

Komisija za vanjsku trgovinu i carine nastojat će u potpunosti realizirati planirane aktivnosti.

Plan rada za 2023. godinu dat je okvirno, prema očekivanim aktivnostima na nivou BiH i u skladu s potrebom za koordinacijom s drugim nadležnim organima.

Rokovi za razmatranje materijala zavisiće od prijema materijala od institucija koje ih šalju i zaduženja od Kolegija Predstavničkog doma Parlamentarne skupštine BiH.

Nove obaveze koje se mogu pojaviti, a koje nisu predviđene Planom, bit će blagovremeno razmatrane.

PRVI ZAMJENIK PREDSDJEDAVAJUĆEG KOMISIJE
Slavko Matić